

INUIT ATAQATIGIIT

INATSISARTUNI



Aasiaat 5.januar 2017

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

Apeqqutit:

- 1. 2018-mi Amerikap nunataamiut pissartanngorniunnissaannut (Pan Amerikanske Mesterskaber) Nuummi pisussami naalakkersuisut peqataanissaminnut tapersersuinissaminnullu qanoq piareersimatigaat?**
- 2. Nunatta pitsaanerit pingasut akornanni inissinnissaat, tamatumalu kingunerisaanik nunarsuarni pissartanngorniutivinnissamut angussinnaanissaat anguniarlugu naalakkersuisut qanoq iliuuseqassamaarpat? Imaluunniit qanoq iliuuseqarpat?**
- 3. Naalakkersuit isumaat naapertorlugu iliuusissat suut pisariaqarpat nunatta pitsaanerpaat pingasut akornannut inississappata?**
- 4. Pitsaanerpaat pingasut akornannut inissinnissaq Naalakkersuisut soqutigisarinerpaat?**
- 5. Immikkut ittumik aningaasaliisoqarnissamik pisariaqartitsissoqassappat, Naalakkersuisut immikkut ittumik aningaasaliissuteqarsinnaanermik piareersimappat imaluunniit piumassuseqarpat?**
- 6. Pissartanngorniunnernik aatsaat taama angitigisumik pingaaruteqartigisumillu nunarput aaqqissuuseqataasunngorpoq (AWG 2016 eqqaassanngikkaanni). Tamanna nunatta nammassinnaanerpaat? Unammiffissat inissaqartinneqarnerullu tungaasigut?**
- 7. Taamatut aaqqissuussinissaq Naalakkersuisut isumaat naapertorlugu nunatsinnut qanoq pingaaruteqartigaa qanorlu kinguneqarsinnaava?**
- 8. Nunatsinnut tamanut aammalu tikeraartussatsinnut tamanut nuannernerpaamik misigisaqarfiusinnaaqullugu Naalakkersuisut qanoq pilersaaruteqarpat?**

(Inatsisartuni ilaasortaq Peter Olsen, Inuit Ataqatigiit)

Tunggavilersuut:

Naluneqanngitsutut aappaagu 2018-mi Amerikap nunataaneersut tamarmik assammik arsaallutik, aatsaat siullerpaamik nunatsinni, Nuummi pissartanngorniullutik unammersuassapput. (Pan Amerikanske mesterskaber). Naluneqanngitsutut pissartanngorniunneq taanna aamma nunarsuarni pissartanngorniutivinnissanut anngunniunnerusarpoq.

Aatsaallu taama angitigisumik pingaaruteqartigisumillu nunatsinni pissartanngorniunnernik ingerlatsisoqalerpoq.

Nunatta, nunatta avataanut pitsaasumik takutitsinissaminut aatsaat taamak pitsaatigisumik periarfissinneqarpoq. Minnerunngitsumillu timersortartutta nunatta avataaniit pitsaasumik maluginiarneqarnissaminnut takutilluarnissaminnullu periarfissamik aatsaat taama pitsaatigisumik periarfissinneqarsimalerput. Pitsaasumik angusaqassagaanni takutitsilluas-sagaannilu pilersaaruserluarnissaq piareersarluarsimanissarlu pingaaruteqarpoq.

Taamaattumik paaserusuppara tamanna pillugu Naalackersuisut qanoq pilersaaruteqarnersut.

Ullut suliffiusut qulit qaangiutsinnagit akineqarnissara naatsorsuutigaara.